

Na osnovu člana 119. Zakona o zdravstvenoj zaštiti FBiH (Sl.novine FBiH broj 46/10 od 30.07.2010.), te odredbi Pravilnika o bližim uslovima prostora, opreme i kadra za osnivanje i obavljanje zdravstvene djelatnosti u zdravstvenim ustanovama (Sl.novine FBiH broj 26/12 od 08.03.2012.) Direktor Zavoda za javno zdravstvo SBK/KSB dana 26.11.2012. donosi:

PRAVILNIK

o

Bližim kriterijima za davanje stručnog mišljenja, način i postupak izdavanja stručnog mišljenja o opravdanosti osnivanja zdravstvene ustanove ili proširenja / promjene zdravstvene djelatnosti

Opšte odredbe

Član 1.

Ovim aktom uređuju se bliži kriteriji za davanje stručnog mišljenja, tijela nadležna za izdavanje mišljenja, postupak i način izdavanja mišljenja o opravdanosti osnivanja zdravstvene ustanove ili proširenja odnosno promjene zdravstvene djelatnosti zdravstvene ustanove bez obzira na tip vlasništva.

Tijela nadležna za davanje mišljenja

Član 2.

Na osnovu podnesenog zahtjeva, stručno mišljenje u slučaju osnivanja zdravstvene ustanove u djelatnosti primarne zdravstvene djelatnosti, specijalističko-konsultativne djelatnosti, odnosno bolničke zdravstvene djelatnosti, izdaje Služba za socijalnu medicinu sa organizacijom zdravstva i zdravstvenu informatiku Zavoda za javno zdravstvo SBK/KSB (u daljem tekstu Služba), a na osnovu stručnih principa organizacije i ekonomike zdravstva.

Postupak i način davanja stručnog mišljenja o opravdanosti

Član 3.

Zahtjev za izdavanje stručnog mišljenja podnosi se u pisanom obliku, i mora sadržavati:

- Naziv osnivača i adresa
- Broj odobrenja za samostalan rad u slučaju proširenja, odnosno promjene zdravstvene djelatnosti
- Naziv, mjesto i adresu zdravstvene ustanove koja podnosi zahtjev
- Djelatnosti zdravstvene ustanove
- Vrstu dijagnostičkih i terapijskih usluga koje će pružati zdravstvena ustanova
- Prijedlog akta o osnivanju zdravstvene ustanove, odnosno Rješenje nadležnog Ministarstva zdravstva o osnivanju u slučaju proširenja ili promjene zdravstvene djelatnosti

Član 4.

U postupku donošenja stručnog mišljenja o opravdanosti zahtjeva za osnivanje zdravstvene ustanove ili proširenje odnosno promjenu zdravstvene djelatnosti, Služba se koristi stručnim principima o organizaciji i ekonomici zdravstva, odnosno rukovodi se slijedećim kriterijima:

- gravitirajući broj stanovnika i broj zdravstveno osiguranih osoba
- demografske karakteristike stanovnika
- karakteristike pojedinih područja
- postojeći obim zastupljenosti djelatnosti za koju je zahtjev podnesen

Član 5.

U postupku donošenja stručnog mišljenja nadležna Služba može, ako ocijeni potrebnim, zatražiti od osnivača da dostavi dodatnu dokumentaciju potrebnu za davanje stručnog mišljenja..

U slučaju nedostavljanja tražene dokumentacije Služba će o zahtjevu odlučiti na osnovu Zakona.

Član 6.

Služba je dužna donijeti stručno mišljenje najkasnije u roku od 60 dana od dana primanja urednog zahtjeva.

Prelazne odredbe i završne odredbe

Član 7.

Ovaj Pravilnik stupa na snagu danom objavljivanja i primjenivaće se počev od 26.11.2012. godine Pravilnik će biti javno objavljen na web strnici Zavoda za javno zdravstvo SBK/KSB.

Broj:

26.novembar 2012.

Travnik

Direktor
Doc.dr.Sead Karakaš

M.P.